

14.11.2019

343-80

ՀՀ «Հայանտառ» ՊՈԱԿ-ի տնօրենի պաշտոնակատար
պարոն Մացակյանին

Հարցման պատճենները՝

ՀՀ վարչապետ պարոն Ն. Փաշինյանին,

Շրջակա միջավայրի նախարար պարոն Է. Գրիգորյանին,

Քաղաքաշինության կոմիտեի նախագահ պարոն Վ. Վերմիշյանին,

Երևանի քաղաքապետ պարոն Հ. Մարությանին,

Տեղեկատվություն ստանալու հարցում

Մեծարգո պարոն Մացակյան,

«Ինֆորմացիայի ազատության կենտրոն» հասարակական կազմակերպություն է դիմել «Հանրային իրազեկման և մոնիտորինգի կենտրոն» հասարակական կազմակերպության խնդրելով աջակցել տեղեկություն ստանալու հարցում: Դավայի այգիներին առնչվող տեղեկություն ստանալու նպատակով ս.թ. սեպտեմբեր և հոկտեմբեր ամիսներին ՀԿ-ն Երևանի քաղաքապետարան, Քաղաքաշինության կոմիտե և «Հայանտառ» ՊՈԱԿ ուղարկել է հարցումներ, որոնց ի պատասխան ստացված գրություններով չեն տրամադրվել պահանջվող տեղեկությունները, ավելին, տրամադրված պաշտոնական գրությունները պարունակում են հակասական տվյալներ խնդրո առարկայի վերաբերյալ (պատասխան գրությունները կցվում են):

ՀՀ Սահմանադրության 42-րդ և 51-րդ հոդվածների և «Տեղեկատվության ազատության մասին» ՀՀ օրենքի 6-րդ հոդվածի համաձայն՝ խնդրում ենք տրամադրել ամբողջական և լիարժեք տեղեկություններ հետևյալ հարցերի վերաբերյալ.

1. Որքան է կազմում Դավայի այգիների տարածքից «Հայանտառ»-ին, որպես անտառային նշանակության հողեր, փոխանցված հողատարածքի մակերեսը: Որտե՞ղ են կոնկրետ տեղակայված այդ հողերը:
2. Ի՞նչ աշխատանքներ են իրականացվել պատկան պետական մարմինների և «Հայանտառ»-ի կողմից՝ «Հայանտառ»-ին փոխանցված տարածքում անտառհիմնման և/կամ անտառվերականգնման ուղղությամբ:
3. Ի՞նչ Ծրագրեր են իրականացվում և նախատեսված այդ տարածքների կառուցապատման կամ այլ նպատակով օգտագործման վերաբերյալ:
4. Ընդգրկված են արդյոք մեր կողմից վերը հիշատակված տարածքում ակտիվ կերպով ընթացող կառուցապատումները Երևանի Գլխավոր հատակագծում (ե՞րբ և ի՞նչ ընթացակարգով):

5. Ե՞րբ և կոնկրետ ո՞ւմ կողմից են արված այդ կառուցապատումների ՇՄԱ (շրջակա միջավայրի վրա ազդեցության) գնահատումն ու փորձաքննությունը:
6. Որտե՞ղ կարող ենք ծանոթանալ դրանց վերաբերող հատկապես ռելիեֆի ու լանդշաֆտի փոփոխության կապակցությամբ տրված փորձաքննական դրական եզրակացություններին:
7. Ի՞նչ տեղեկություններ կան Երևանի Դավթայի այգիների վերաբերյալ՝ որպես պատմամշակութային կամ որպես Բնության Հուշարձան:

Խնդրում ենք տեղեկություն ստանալու հարցմանը պատասխանել «Տեղեկատվության ազատության մասին» ՀՀ օրենքի 9-րդ հոդվածով սահմանված կարգով և ժամկետներում:



Հարգանքով՝
ԻԱԿ նախագահ Շուշան Դոյդոյան